

Gvangjsih Minzcuz Bau

广西民族报 ganhhau: CN45-0036 B.2021 Nd.2 Ng.10 liggaeuq gengceij nienz ndwenlab ngeihgouj

Baihguenjbanh: Gvangjsih
Bouxcuengh Swcigih Minz-
cuz Cunghgyau Swvu Veij-
yenzvei
Biengauj okbanj: Gvangjsih
Minzcuz Bause
Geizsoq: Gungh daih 3461 geiz
Geiz neix 8 banj

Siz Ginbingz Youq Mwh Gyawj Cieng Daengz Gveicouh Camnai Gak Cuz Ganbu Ginzcong Gangj Vah Hohfuk Daengx Guek Gak Cuz Lwgminz Hoh Gak Cuz Lwgminz Gvaq Ndaej Ndei Hoh Aen Guekcoj Hungmbwk Raeuz Mwnhoengh Fouqgiengz

Youq mwh liggaeuq gyawj ndwencieng bi vaiz aenciet cienz-doengj Cunghvaz Minzcuz neix, Cunghung Cunghyangh cungjsuhgi, Gozgyah cujsiz, Cunghyangh Ginh-veij cujsiz Siz Ginbingz bae daengz Gveicouh, camnai gak cuz ganbu ginzcong, gangj vah hohfuk daengx guek gak cuz lwgminz, gyoengq beixnuengx Yanghgangj Aumwnz Daizvanh caeuq beixnuengx youq rog guek, hoh daihgya ndang cangq youq onj, ndawranz vuenyungz, guh saeh baenz saeh, bi vaiz cungj ndei! Hoh aen guekcoj hungmbwk raeuz bya heu raemx seuq, gizgiz hoenghhdw, mwnhoengh fouqgiengz!

2 nyied 3 hauh daengz 5 hauh, Siz Ginbingz miz Gveicouh Swngjveij suhgi Sinz Yizginz caeuq swngicangj Lij Bingjinh buenx-riengz, gonqlaeng daengz Bizce, Gveiyangz daengj dieg, bae daengz lajmbanj, segih, cauhsi daengj cazyawj, hawj gak cuz ganbu ginzcong roxdaengz Dangicunghyangh gvansim caeuq camnai gyoengqde.

3 hauh lajbyonghngoengz, Siz Ginbingz daengz Bizce Si Genz-sih Yen Sinhyinz Myauzcuz Yangh Vavuh Cunh cazyawj. Youq ndaw ranz bouxbmanj Myauzcuz Cau Yiyoz, Siz Ginbingz sijsaeq yawj ndawranz rogran, caeuq Cau Yiz-yoz cienz ranz guhdoi guh ceiz, caemhcai gangigoj. Cau Yiyoz lwnh cungjsuhgi, gyoengqde bonjlaiz youq aen Mbanjmazvoh mbouj doeng raemx, mbouj doeng dien, mbouj doeng roen de, seizneix youq ranzlaeuz song caengz, raemx dien roen cungj doeng daengz ranz. Siz Ginbingz dingq le sim angq baenz-



maz bae. De vixok, vunz miz hong guh dwg aen banhfap giekbonj gyamaenh gunggeng duetgungz baenzsaeh. Aeu gaenxmaenx hwngfat canjnieb lajmbanj, fuengbienh vunz-lai youq gyawj ranz guhhong, hawj vunz lai doz ndaej cienz, youh ndaej ganq ndawranz, son' gyauq ciengx-ganq lwnyez ndaej ndei. De hohfuk Cau Yiyoz cienz ranz gvaq ndaej ngoenz beij ngoenz ndei.

Cieplaeng, Siz Ginbingz byaij haeuj ndaw cehgenh banggungz bae, yawj gij canjnieb dajsiuq Myauzcuz miz daegsaek de, gij minzcuz conzdungj vwnzva de hwngfat, ciepcienz ndaej baenzlawz yiengh. De vixok, doenghyiengh minzcuz caemh dwg doenghyiengh seiqgyaiq.

Gij doenghyiengh dajsiuq Myauzcuz gaeuqgeq youh seizhwng, dwg vwnzva youh dwg canjnieb, mbouj-dan ndaej fatyiengz conzdungj vwnzva, vanzlij ndaej doinyoengx lajmbanj saenqhwn, yaek ciepcienz, hwngfat gij minzcuz conzdungj vwnzva baudaengz doenghyiengh dajsiuq Myauzcuz de ndaej ndei.

Youq gwnz vwnzva gvangj-cangz aen cunh neix, gyoengq beixnuengx mbanjranz nyaengq guh hozdung minzsuz ndwencieng, roq gyong, boq aenvenz, ciengq go diuq foux, ciengq go coux hek Myauzcuz. Raen cungjsuhgi daeuj daengz, gyoengqde caemh langh sing angq hemq "Cungjsuhgi ndei". Siz Ginbingz naj riunyumnyum doiq

gyoengq beixnuengx mbanjranz naeuz, bineix raeuz guh baenz saeh hungmbwk, couhdw gizgiz cungj laebbaenz aenbiengz siujgangh, guhdaengz aen moegbiu buekguh daih' it aen bak bi. Cunghvaz Minzcuz caemh aen ranz hung ndeu, hajcib roek aen minzcuz hajcib roek duj va. Gizgiz cungj laebbaenz aenbiengz siujgangh, aen minzcuz lawz cungj noix mbouj ndaej; gizgiz cungj cauhaeb sevei cuji yendaiva, aen minzcuz lawz hix cungj noix mbouj ndaej. Duetgungz gvaqlaeng, aeu laebdaeb doinyoengx lajmbanj saenqhwn, doinyoengx nungzyez nungzcunh yendaiva lai vaiq. Maq-muengh gyoengq beixnuengx mbanjranz laebdaeb haenqrengz buekguh, hwngfat canjnieb lajmbanj ndaej lai ndei, cauhaeb lajmbanj ndaej lai gyaue. Mwh yaek doxbiek, gyoengq beixnuengx mbanjranz humx youq henz ndang Siz Ginbingz mbouj nyienh hawj de bae, doengzcaez ciengq go hen hek Myauzcuz, sing go yiengj gvaq gwnz Dahvuhgyangh nanznanz mbouj dingz.

Dingh Sezsiengz, Liuz Hwz, Cinz Hih, Hoz Lizfungh caeuq boux dungzci fucwz cunghyangh mizgven bumwnz de caemh riengz gaujcaz.

(ciuq Sinhvasze ,doz/Lij Yozyinz)

Daengq Gyoengq Beixnuengx

Aenvih cuengqgyaj gvaqcieng, dou mbouj ok geiz bauqceij 2 nyied 17 hauh lo. Angqhoh gyoengq beixnuengx bimoq youq ndei gwn van!